



SIARAN MEDIA

MED BERDIALOG BERSAMA PKS DEMI PEMBANGUNAN KEUSAHAWANAN

Kuala Lumpur, 21 Januari 2020 – Sesi Menteri bersama Perusahaan Kecil Sederhana (PKS) / *Minister's Session with SMEs'* pada hari ini menzahirkan komitmen Kementerian Pembangunan Usahawan (MED) merasai denyut nadi PKS negara seiring dengan aspirasi Dasar Keusahawanan Nasional 2030 (DKN2030). Sesi yang diterajui agensinya SME Corp. Malaysia telah menyaksikan kehadiran lebih daripada 300 orang yang terdiri daripada PKS, persatuan industri, dewan perniagaan, Ahli-ahli Perbadanan SME Corp. Malaysia, Ketua-ketua Agensi dan wakil Kementerian.

Sesi YB Datuk Seri Mohd Redzuan Yusof, Menteri Pembangunan Usahawan Bersama PKS ini merupakan salah satu inisiatif MED bagi mendapatkan maklumbalas serta pandangan PKS mengenai inisiatif dan program pembangunan PKS yang telah dilaksanakan oleh Kerajaan. Maklumbalas yang diterima dapat membantu Kementerian untuk menilai keberkesanan program dan inisiatif yang telah dan sedang dijalankan agar dapat membuat penambahbaikan supaya lebih ramai usahawan dan PKS dapat dibangunkan serta memperoleh manfaat daripada inisiatif dan program tersebut.

Selain itu, sesi ini juga dapat menjalin hubungan baik di antara Rakyat dan Kerajaan melalui pendekatan yang holistik dan efektif di mana usahawan dan PKS mendapat peluang untuk berdialog dengan YB Menteri Pembangunan Usahawan dalam usaha untuk mencapai pertumbuhan perniagaan yang mampan dan pengembangan perniagaan merentasi sempadan. Dengan adanya sesi seperti ini, MED berharap

agar usahawan dan PKS lebih memahami peranan MED dalam memudah cara, menyokong dan mempergiatkan pertumbuhan PKS, khususnya dalam menghadapi cabaran ekonomi global.

Turut hadir adalah YB Datuk Wira Dr Mohd Hatta bin Md Ramli, Timbalan Menteri Pembangunan Usahawan, YBhg Datuk Wan Suraya Wan Md Radzi, Ketua Setiausaha MED, YBhg Dato' Sri Syed Hussien Al Habshee, Pengerusi SME Corp. Malaysia dan Encik Noor Azmi Md Said, CEO SME Corp. Malaysia.

- TAMAT -

Untuk maklumat lanjut, sila berhubung dengan Puan Nor Azian Md Yusof di talian 03-2775 6174 atau Puan Noor Mastura Ramli di talian 03-2775 6006 atau emel – azian@smecorp.gov.my / noormastura@smecorp.gov.my

**PERBADANAN PERUSAHAAN KECIL DAN SEDERHANA MALAYSIA
(SME CORP. MALAYSIA)**

Tingkat 6, SME 1, Blok B

Platinum Sentral

Jalan Stesen Sentral 2

Kuala Lumpur Sentral

50470 Kuala Lumpur.

Talian Info: 1-300-30-6000

Talian Faks: 03-2775 6001

<http://www.smecorp.gov.my>

e-mail: info@smecorp.gov.my

SME Corp. Malaysia

-
SME Corp. Malaysia merupakan sebuah Agensi Penyelaras Pusat di bawah Kementerian Pembangunan Usahawan (MED) yang menyelaras pelaksanaan Program Pembangunan PKS anjuran semua Kementerian dan agensi yang berkaitan. Ia bertindak sebagai pusat rujukan setempat bagi penyelidikan dan penyebaran data PKS serta menyediakan khidmat nasihat untuk PKS di Malaysia. SME Corp. Malaysia turut memainkan peranan sebagai Sekretariat kepada Mesyuarat Majlis Pembangunan Usahawan dan PKS Kebangsaan (MPUPK) yang dipengerusikan oleh YAB Perdana Menteri Malaysia.